



UNIVERSITÄTS-
BIBLIOTHEK
PADERBORN

Universitätsbibliothek Paderborn

Petri Danielis Huetii Demonstratio Evangelica

Huet, Pierre Daniel

Parisiis, 1679

I. Defenditur testimonium ex Isaiae 7. 14.

urn:nbn:de:hbz:466:1-16260

non cognosco? Et respondens Angelus dixit ei, Spiritus sanctus superveniet in te, & virtus Altissimi obumbrabit tibi: ideoque & quod nasceretur ex te Sanctum, vocabitur Filius Dei.

I. Defenditur testimonium ex Isa. 7. 14. II. Disputatur de significatione dictionis עלמה. III. Explicatur testimonium à Proverb. 30. 18, 19. IV. Virgo illa, cujus conceptum & partum prædicit Isaias 7. 14. non solum ad conceptum usque & partum, sed post utrumque etiam virgo fore prædicitur. V. Varietate illud Isaiæ 7. 14. in Maria matre & Jesu filio completum est. VI. Refelluntur argumenta Adversariorum. Primum argumentum. VII. Secundum argumentum. Defenditur γυνωκευς duorum primorum capitum Luca, adversus Marcionem & Johannem Bodinum.

I. OSTENDIMUS jam supra in Propositione septima pertinere ad Messiam Defenditur celeberrimum hoc Isaiæ oraculum: Propter hoc dabit Dominus ipse vobis testimonium signum: Ecce Virgo concipiet, & pariet Filium; & vocabitur nomen ejus Emmanuel. Multa vero illic attulimus ad præsens institutum opportuna, quæ ante repeti jubemus & cognosci, quam progressus fiat ad sequentia, quibus idem hoc oraculum in Jesu demum, qui Maria Virgine natus est, eventum completum esse probaturi sumus. Tribus adversus prophetiæ hujus veritatem & Christianorum interpretationem exceptionibus uti solent Judæi. Ac primum Ebraicam dictionem hoc loco usurpatam, עלמה, non Virginem, sed puellam adolescentulam, sive integram, sive corruptam significare pertendunt. Aiunt præterea, etiamsi concedatur vocabulo עלמה, virginem notari, non inde effici virginem notari quæ virginitatem in conceptu & partu retinuerit, sed quæ aliarum more puellarum delibata virginitate filium conceperit & enixa sit. Denique ut ea significetur virgo, quæ integritatem in partu & conceptu servaverit, id tamen in Mariam matrem Jesu nequiquam convenire volunt: quo in errore, non Judæi solum, sed Judæorum etiam fraterculi, Carpocrates, Cerinthus; & Ebion, Nazaræi quoque & Helcesæi versati sunt. Nos hæc sigillatim refellemus.

II. Judæi igitur de significatione vocabuli עלמה sic disputant: ea notari puellam quamcumque, sive virum expertam, sive intactam, sive nuptam, sive innuptam. Sic R. David Kimchi in libro Radicum; qui & עלמה nihil differre ait à נערה, qua dictione puella quæcumque, sive integra virginitatis, sive imminuta vulgo significatur. Quæ vero virgo sit, eam proprio vocabulo בתולה exprimi contendunt; ita ut עלמה atatem indicet, בתולה, virginalem corporis integritatem; proinde Interpretes Aquilam, Theodotionem, & Symmachum vertisse μαρδον, non παρθενον; in Cantico etiam Salomonis in eundem sensum usurpari vocem עלמות, quippe amatoris rebus virginibus adhibere fuisse indecorum; in Proverbiis dictione hac manifesto eam notari, quæ viriles congressus experta sit. Quæ cum ita sint, absurdum fuisse dicunt in prædicanda re tanti momenti, quanti fuit Christum de Virgine matre nasci, quod ad Christiani nominis pertineret decus, ancipiti voce uti Prophetam.

Nos vero dictionem עלמה, ancipitem esse, & in puellam, sive quæ virum passa sit, sive quæ ejus sit experta, congruere præcisè negamus: sed ei convenire affirmamus, quæ virginitatem adhibita custodia servaverit, ad eamque custodiendam abstinerit publico, & intra παρθενοειδος septa sese continuerit; עלמה enim idem esse ac Absconditam; à themate עלה, quamobrem vocabulum hoc, quod Rébecca tribuitur in Genesi, vertisse Aquilam, Absconditam, ut observatum est ab Hieronymo. Magna à Veteribus diligentia asservabantur virginés, & ab omni fere virorum accessu prohibebantur. Mentio fit in libro Esther domus in qua electæ virginés servabantur apud Persas; appositis earum custodia Eunuchis, Alexandrum laudat Plutarchus hoc nomine, quod Darii uxorem ac filias ab omni petulantia ita tutas præliterit, ac si non in hostilibus castris, sed in occulto intra sacros παρθενοειδας ab hominum conspectu remotæ fuissent. Judæi quoque concludebant virginés, ut ex secundo Machabaico, & ex tertio apocrypho cognoscitur. Est apud Josephum, Ammonem, Davidis filium, vix Thamaris sororis, quam amabat, fieri compotem potuisse, propter ipsius virginitatem, & δὲ τὴν τὴν φυλακῶν, propter accuratam custodiam qua servabatur. Philo ἡ δὲ τῆ ἐν εὐδοκίᾳ ἰουδαίων ἁειλογία, ἐν ἑνὸν μονὴ παρθενοειδος μὲν εἶσα ἐλιστάθων, τὴν κατὰ τὸν εὐδον προποικιμῶν τολάσης ἢ ἠδὴ γυναικὶ τὴν αἰλιον. Feminis autem conve-